



UNIVERSITÄTS-
BIBLIOTHEK
PADERBORN

Universitätsbibliothek Paderborn

Denkwürdige Beiträge für Geschichte und Rechtsalterthümer

Wigand, Paul

Leipzig, 1858

29. Vertrag und schiedsrichterliche Entscheidung zwischen dem Stift und
der Stadt Höxter; 1375

urn:nbn:de:hbz:466:1-30944

29. Vertrag und schiedsrichterliche Entscheidung zwischen dem Stift
Corvey und der Stadt Hörter. 1375.

Na godes bort druttenhundert jare in deme veve und sevenstigesten des vrigdages vor sunte Bartholomeus daghe um nontid daghes in unses heren Grashove van Korveye bynnen Huxere, de en vorstarf van Heren Ghuntere van Hedewigessen, en yeghenwordicheit unses Heren van Corveye, abbedes Boden des erwordighen Heren, des abbedes van Helmwerdeshusen, des van Plettenberge, provestes to deme Mersberge, und des olden und sworn rades to Huxar yeghenwordicheit. Und to der tid was Borghemestere Johans Roleves und Ludolf Loghere, dar was Amelunk van Rekelinkhusen und Lambracht van Luchteringen, knapen, van unses Heren weggen van Corveye up en half und Henrik Rebok, knape, van des Rades weghene to Huxere up anderhalf, und worden des uppe beden syden eyndrechtlich, und spreken vor Recht: welk borgher to Hoxer, de sculde eder scelinghe hedde tegen unsen heren van Corveye, dat mochte de rat van Huxere van des borgers wegen to Huxer mane to unseme Heren van Corveye, ofte eyn ander van erer weghene, deme se des bekenden, dat unse Here van C. sek lete der scelinghe sine vrunt twene eder eynen sceden, und des rades vrunt twene oder eynen na utwisinghe und sonebreve, de abbet Ropprecht, unse herre, und dat capitel to Corveye uns bezegelt hebben; und des gelike scal unse here van C. weder eischen van deme rade to Huxar, eft he yenighe scelinghe ofte sculde hebbe eder hedde teghen eyner van Huxer, den de rad van H. sol to toghe to vor dedinghe dingede. Unde dit wart gherechtet ume schulde, de Ludolf de Logere vorscreven hadde to tosprekende unseme Heren abbede Boden van C., und de sculde waren XXVI hux. mark, unde unse Here van C. hadde eme weder to tosprekende umme XI morgen landes, de in sinte Claus velde gelegen sint, de de vorse. Ludolf hadde koft van Hertogen Erneste to Brunswig, eyn gheysched abbed van dem Capitele to Corveye.